

ORDENANZA MUNICIPAL DE VERTIDOS E USO DO SISTEMA PÚBLICO DE SANEAMENTO EN BAIXA.

CAPÍTULO I. DISPOSICIÓN XERAIS.

Artigo 1. Obxecto.

A presente ordenanza ten por obxecto regula-lo servizo público municipal de saneamento de augas residuais e fundamentalmente a produción de vertidos a este sistema, en execución do previsto na disposición adicional segunda e na disposición transitoria quinta da Lei 8/2001, de 2 de agosto, de protección da calidade das augas das rías de Galicia e de ordenación do servizo público de depuración de augas residuais urbanas.

Artigo 2.- Finalidades.

A ordenanza reguladora de vertidos e uso do sistema público de saneamento en baixa dítase para contribuir a acadar-las finalidades seguintes:

- a) Regula-lo uso e control dos sistemas públicos de saneamento de forma que se garanta o bo funcionamento das obras e equipos que os constitúen.
- b) Garantir mediante os tratamentos previos adecuados que as augas residuais industriais que se verten ós sistemas cumplan os límites establecidos nesta ordenanza e nos permisos preceptivos.
- c) Garantir que os vertidos das plantas de tratamento cumplan as esixencias establecidas na normativa vixente, para que non comporten efectos nocivos sobre o medio receptor e a saúde das persoas.

Artigo 3.- Ámbito de aplicación.

A presente ordenanza aplícase ós vertidos de augas residuais de calquera orixe que se produzan na rede de alcantarillado municipal deste Concello.

Artigo 4.- Definicións.

Ós efectos desta ordenanza, enténdese por:

- a) Sistema público de depuración de augas residuais urbanas: conxunto de bens de dominio público constituído pola estación depuradora de augas residuais, as estacións de bombeo, os emisarios submarinos e as redes de colectores xerais asociados.
- b) Redes de colectores xerais: aquelas instalacións que discurren desde os puntos de entronque das redes de alcantarillado, conducindo directamente

(por gravidade ou por bombeo) as augas residuais recollidas ata a estación depuradora e consideradas como tales no vixente Plan de Saneamento de Galicia.

- c) Sistema público de saneamento en baixa: o conxunto de bens de dominio público constituído polas redes municipais de alcantarillado e demais instalacións que dacordo, coa vixente normativa en materia de réxime local, son de competencia municipal.
- d) Augas residuais urbanas: as augas residuais domésticas ou a mezcla das mesmas coas augas residuais non domésticas e/ou coas augas de escorrentía pluvial.
- e) Augas residuais domésticas: as augas residuais procedentes dos usos particulares das vivendas, xeradas principalmente polo metabolismo humano e as actividades domésticas non industriais, agrícolas nen gandeiras.
- f) Augas residuais non domésticas: as augas residuais vertidas desde establecementos nos que se efectúe calquera actividade comercial, industrial, agrícola ou gandeira.
- g) Augas blancas: as augas que non foron sometidas a ningún proceso de transformación de modo que a súa capacidade potencial de perturbación do medio é nula e que, polo tanto, non deben ser conducidas mediante os sistemas públicos de saneamento. As augas pluviais terán carácter de augas blancas ou de augas residuais urbanas en función do seu recorrido de escorrentía.
- h) Usuarios domésticos: aquéllos que vierten augas residuais domésticas, na definición da letra d) anterior.
- i) Usuarios non domésticos: aqueles que verten augas residuais non domésticas, na definición da letra e) anterior.

CAPÍTULO II. UTILIZACIÓN DO SISTEMA DE SANEAMENTO EN BAIXA.

Artigo 5.- Condicións previas para a conexión.

Para a conexión dun usuario ó sistema público de saneamento en baixa é necesario que a rede se encontre en servizo e que o vertido do usuario cumpra as condicións establecidas nesta ordenanza.

Artigo 6.- Requisitos e características básicas da acometida ó sistema.

1. O Concello establecerá os requisitos e características físicas das acometidas ó sistema, respetando ó seguinte contido mínimo:
 - a) Plano da rede de desauge do interior do edificio en planta e alzada, a escalas respectivas 1:100 e 1:50, detallando expresamente os sifóns xerais e a ventilación aérea.

- b) Descrición das disposicións e dimensións adecuadas para un correcto desauge , especificando o material, diámetro e pendente longitudinal.
- c) Instalación dun sifón xeral en cada edificio para evita-lo paso de gases. Entre a acometida da conducción e o sifón xeral do edificio disparese dunha tubería de ventilación, sen sifón nen cerramento, á que poderán conducirse as augas pluviais sempre que, respetando a ventilación, os puntos laterais de recollida estén adecuadamente protexidos por sifóns ou rexas antimúridos.

2.- Todo establecemento que verta augas residuais non domésticas deberá ubicar, antes da conexión ó sistema e en todas e cada unha das conexións que posea, unha arqueta de rexistro libre de calquer obstáculo e accesible en todo momento ós servizos técnicos competentes para a obtención de mostras e medición de caudais.

3.- En dita arqueta deberá disporse, cando o permiso de vertido así o estableza, dun elemento de aforo cun rexistro totalizador para a determinación exacta do caudal do efluente vertido. Cando os volúmenes de auga consumida e os volúmenes de auga vertida sexan aproximadamente os mesmos, a medición da lectura do caudal de auga de abastecemento poderá utilizarse como aforo do caudal vertido.

4.- Os establecementos deberán procurar a unificación dos vertidos xerados polos procesos productivos e, á vez, respetarán as redes separativas de modo que non poidan verter augas pluviais na rede interna de augas residuais, e viceversa.

5.- As obras de acometida ó sistema de saneamento están suxeitas ás prescricións da normativa urbanística que resulte aplicable.

6.- Todos os gastos derivados das actuacións de conexión ó sistema, así como os da súa conservación e mantemento, serán a cargo do usuario.

Artigo 7.- Condicións para a utilización do sistema público de saneamento.

1.- Quedan obrigados a obter permiso de vertido ó sistema público de saneamento e a respetar as prohibicións establecidas nos anexos I e II, respectivamente desta ordenanza os seguintes usuarios:

- A) los usuarios non domésticos nos que a actividade esté comprendida nos epígrafes C,D,E e F da CNAE-93.
- B) Los usuarios con vertido superior a 3.000 metros cúbicos anuais, ou ben aqueles cun volume de vertido inferior pero que orixinen contaminación especial nos termos do artigo

40.4 da Lei 8/1993, de 23 de xuño, reguladora da Administración hidráulica de Galicia.

2.- O resto de usuarios que xeren augas residuais domésticas quedan suxeitos ás reglamentacións que dicte o Concello, e en todo caso ás prohibicións establecidas no Anexo I desta Ordenanza.

Artigo 8.- Prohibicións e limitacións

1. Está prohibido:

- a) O vertido ó sistema de saneamento das sustancias relacionadas no anexo I desta Ordenanza.
- b) A dilución para conseguir os niveis de emisión que permitan o seu vertido ó sistema, excepto nos supostos de emerxencia ou de perigo inminente, e, en todo caso, previa comunicación ó Concello.
- c) O vertido de augas brancas ó sistema cando poida adoptarse unha solución técnica alternativa por existir no entorno da actividade unha rede separativa ou ben un cauce público. Noutro caso deberá obterse un permiso específico do Concello para realizar estes vertidos.

2.- Os vertidos non domésticos que conteñan sustancias das relacionadas no anexo II desta Ordenanza deberán respetar as limitacións alí establecidas, sen que poida admitirse a dilución para acadar ditos límites.

Artigo 9.- Permiso de vertido.

1.- O permiso de vertido ó sistema público de saneamento en baixa outorgarase polo Concello de O Valadouro ós usuarios indicados no artigo 7.1 da presente Ordenanza.

2.- O Outorgamento de dito permiso faculta ós mencionados usuarios para realizar vertidos de augas residuais ó sistema público de saneamento nas condicións que neles se establezan.

Artigo 10.- Solicitude.

Antes de efectuar ningún vertido de augas residuais ó sistema, os titulares das actividades indicadas no artigo 7.1 deben solicitar do Concello o correspondente permiso de vertido, e a estes efectos aportarán a documentación que se indica no anexo III desta ordenanza.

Artigo 11.- Procedemento.

1.- O procedemento para a obtención do permiso de vertido no caso de actividades comprendidas no ámbito de aplicación da Lei 16/2002, de 1 de xullo, de prevención e control integrados da contaminación, ou, no seu caso, na normativa de execución que aprobe a Comunidade Autónoma de Galicia, será o establecido nas mencionadas normas.

2.- Noutro caso, serán de aplicación as normas do procedemento administrativo común.

3.- En ningún caso é posible a obtención do permiso de vertido por silencio administrativo.

Artigo 12.- Contido do permiso de vertido.

1.- A resolución de outorgamento do permiso de vertido ó sistema público de saneamento que dicte o Concello incluírá, como mínimo, os seguintes extremos:

- a) Os límites máximos admisibles das características cualitativas do vertido.
- b) Os límites cuantitativos do volume de vertido, indicando o caudal medio e o caudal máximo en metros cúbicos por hora, ou, no seu caso, por día.
- c) A obriga de instalar, no prazo máximo dun mes dende a notificación da resolución, unha arqueta que permita o aforo e a toma de mostras do vertido.
- d) A obriga de instalar en dita arqueta un elemento de aforo do caudal do vertido, cando éste e o caudal de abastecemento sexan diferentes.
- e) Duración do permiso.

2.- O permiso de vertido ó sistema poderá, asemade, establecer limitacións, condicións e garantías en relación a:

- a) Horario de vertido.
- b) Definición das instalacións de tratamento previo do vertido que resulten necesarias para acadar as condicións impostas, e prazo de execución das mesmas.
- c) No seu caso, excepcións temporais dos requerimentos do anexo II, sempre que se aprobe un programa que garanta o seu cumprimento nun prazo non superior a un ano dende a notificación da resolución; ou ben excepcións motivadas pola baixa saturación do sistema, tendentes a aproveitar ó máximo a súa capacidade de depuración, e sempre delimitada no tempo e na carga.

- d) Realización de autocontrois por parte do titular do permiso, nos supostos de vertidos que comporten un risco elevado de impacto sobre o sistema de saneamento.
- e) As demais que estableza o Concello.

3.- En ningún caso o outorgamento do permiso de vertido pode compromete-la consecución dos obxectivos de calidade do medio receptor do efluente depurado do sistema de saneamento.

4.- O contido e as prescricións do permiso de vertido que se outorge a unha actividade incluída no ámbito da Lei 16/2002 integraranse na resolución que poña fin o procedemento sinalado en dita Lei.

5.- A inspección, vigilancia e control do cumprimento das condicións do permiso de vertido corresponde ó Concello de O Valadouro, como Administración xestora do sistema.

Artigo 13.- Revisión do permiso de vertido.

1.- Sen prexuízo do disposto na Lei 16/2002, o permiso de vertido ó sistema deberá revisarse cando se produza algún cambio significativo na composición ou no volume do vertido, cando se alteren sustancialmente as circunstancias do momento do seu outorgamento, ou cando sobreveñan outras que xustifiquen a súa denegación ou o seu outorgamento en termos diferentes.

2.- En todo caso, procederase á revisión do permiso:

- a) Cando a carga contaminante vertida por unha actividade resulte significativa en relación co total tratado polo sistema e poida dificulta-la súa depuración nas condicións adecuadas.
- b) Cando o efecto aditivo de vertidos das mesmas características poida dificultar o tratamento do sistema en ditas condicións axeitadas.

3.- En caso de que a revisión comporte a modificación das condicións de vertido ó sistema, o Concello poderá conceder ó titular do permiso un prazo de adaptación que non excederá dun ano a contar dende a aprobación da revisión.

4.- En ningún caso a revisión de permiso de vertido comporta para o seu titular dereito a indemnización algunha.

Artigo 14.- Revocación do permiso de vertido.

O permiso de vertido a sistema poderá ser revocado nos seguintes supostos:

- a) Como consecuencia da revocación da autorización ou licenza que permita o desenvolvemento da actividade que causa o vertido.
- b) Por incumprimento dos requerimentos efectuados para adecua-lo vertido ás condicións establecidas no permiso.
- c) Como medida anudada á sanción.

Artigo 15.- Obrigas do titular do permiso de vertido.

1.- O titular do permiso de vertido deberá cumprir-las obrigas seguintes:

- a) Comunicar de forma inmediata ó Concello, ou no seu caso á compañía explotadora do sistema, calquera avería do proceso productivo ou das súas instalacións de pretratamento que poida afectar negativamente á calidade do vertido ó sistema.
- b) Comunicar de forma inmediata ó Concello calquera circunstancia futura que implique unha variación das características cualitativas e/ou cuantitativas do vertido, ós efectos de proceder, no seu caso, á revisión do permiso.
- c) Adapta-la súa actividade e as súas instalacións ás medidas e actuacións que resulten do plan de emerxencia e seguridade do sistema, unha vez sexa aprobado polo Concello.

2.- Cando se produza unha descarga ó sistema debida a un caso fortuito, o titular do permiso de vertido está obrigado a:

- a) Comunicar a descarga ó Concello, ou no seu caso á compañía explotadora do sistema, especificando a identificación e ubicación da actividade, hora e causa da descarga, caudal e materias vertidas e as medidas adoptadas.
- b) Adoptar as medidas necesarias para minimizar os efectos negativos e os danos que poidan ocasionarse ó sistema.

Artigo 16. Censo de vertidos ó sistema.

1.- O Concello levará un censo de vertidos ó sistema no que se inscribirá os vertidos sometidos a permiso, e no que constarán, como mínimo, os seguintes extremos:

- a) Nome, dirección, CNAE e NIF do titular do permiso.

- b) Datos básicos do caudal de auga de abastecemento e de vertido.
- c) Condicións básicas do permiso.
- d) Situación administrativa do permiso.

2.- O censo de vertidos estará a disposición da Administración hidráulica de Galicia e da Administración hidráulica do Estado.

Artigo 17. Vertido mediante camións cisterna.

1.- Para efectuar vertidos ás instalacións de saneamento mediante vehículos cisterna será necesario que, sen perxuício dos permisos ou autorizacións esixibles de conformidade coa lexislación aplicable en materia de residuos, o poseedor do vertido obteña un permiso especial outorgado polo Concello.

2.- Os vertidos mediante camións cisterna deberán respetar as prohibicións e limitacións establecidas nos anexos I e II desta Ordenanza.

3.- Exceptúanse das obrigas do apartado anterior os vertidos procedentes de fosas sépticas ou das limpezas dos sistemas públicos de saneamento, no referente ós parámetros DQO, DBO, MES, sulfuros, aceites e graxas, así como as diferentes formas de nitróxeno e fosforo contempladas no anexo II desta ordenanza; así como os vertidos mediante camións cisterna ós cales poida resultar de aplicación ó disposto no artigo 12.2.c) in fine desta ordenanza.

4.- En todo caso, a incorporación dos vertidos aportados por camións cisterna pautarase dacordo coas indicacións ó respecto do responsable da estación depuradora, coa finalidade de evitar calquera alteración do proceso.

5.- En ningún caso poderase descargar camións cisterna en estacións depuradoras que se encontren saturadas en canto á carga contaminante a tratar.

6.- Tódolos vertidos de camións cisterna deberán figurar nun rexistro a cargo do Concello, ou no seu caso da compañía explotadora do sistema, no que constaran, polo menos, a identidade do transportista, o volume descargado e a súa procedencia.

CAPÍTULO III. INSPECCIÓN E CONTROL.

Artigo 18.- Función inspectora.

A función inspectora corresponde ó Concello, en tanto que Administración xestora, respecto das instalacións ó seu cargo, e a exerce:

- a) Directamente, a través dos seus propios órganos que teñan atribuídas as funcións inspectoras.
- b) Por medio de entidades colaboradoras contratadas ó efecto ou debidamente acreditadas.

Artigo 19.- Obxecto e inicio da inspección.

1. Poden ser obxecto de inspección as actividades ou instalacións que xeren vertidos que poidan afectar ó sistema de depuración de augas residuais ou ó sistema de saneamento en baixa.
2. A actuación inspectora iniciárase:
 - a) De oficio, xa sexa por propia iniciativa do órgano competente ou por orde superior.
 - b) Por propia iniciativa do persoal inspector, cando aprecie un posible incumprimento das normas reguladoras dos vertidos.
 - c) En virtude de denuncia.

Artigo 20.- Dereitos do persoal inspector.

No exercicio da súa función, o persoal inspector poderá:

- a) Acceder ás instalacións que xeren vertidos de augas residuais ou que poidan supor un risco de afección ás infraestruturas públicas, incluíndo ó acceso á propiedade privada, sempre que non constitúa domicilio das persoas.
- b) Efectuar notificacións e realizar requerimentos de información e documentación ou de actuacións concretas para a adecuación e mellora dos vertidos de augas residuais.
- c) Proceder á toma de mostras de augas residuais e, no seu caso, de augas de proceso.
- d) Proceder á toma de fotografías ou outro tipo de imaxes gráficas sen perxurio do disposto na vixente normativa sobre secreto industrial.
- e) Levar a cabo calquera outra actuación tendente a averiguar a orixe dos vertidos, o seu grado de contaminación e a súa afección sobre os sistemas de saneamento.

Artigo 21.- Deberes do persoal inspector.

O persoal inspector estará obrigado en todo momento a:

- a) Observar o respecto e consideración debidos ás persoas interesadas, previa identificación e acreditación da súa personalidade.

- b) Informar ós interesados, cando así sexan requeridos, dos seus dereitos e deberes en relación cos feitos obxecto da inspección, así como das normas que deben cumprir os titulares dos vertidos.
- c) Obter toda a información necesaria respecto dos feitos obxecto da inspección e dos seus responsables, acedendo, se é necesario, ós rexistros públicos existentes.
- d) Gardar sigilo profesional e observar secreto respecto dos asuntos que coñeza por razón do seu cargo e actividade pública.

Artigo 22.- Desenvolvemento da actividade inspectora.

1.- Cando o inspector se persoe no lugar onde radiquen as instalacións a inspeccionar porá en coñecemento do seu titular o obxecto das actuacións, previa identificación mediante exhibición do documento que lle acredite para o exercicio das súas funcións inspectoras, no que constarán o Concello ó cal está adscrito, o seu nome e apelidos e o número de documento nacional de identidade.

2.- As actuacións inspectoras realizaranse en presenza do titular das instalacións. No caso de persoas xurídicas, considerarase o seu representante a quen legalmente ostente dita condición. En caso de ausencia do titular ou representante, as actuacións entenderanse con calquera persoa presente nas instalacións, facendo constar a súa vinculación coas mesmas. Non será obstaculo para a realización das actuacións a negativa ou imposibilidade do titular ou representante de estar presente durante a súa práctica sempre que así se faga constar nas actuacións que documenten a inspección.

3.- O interesado está obrigado a permitir ó acceso do persoal inspector ás instalacións e a toma de mostras e medicións, e a suministrar a información que se lle requira en relación cos feitos inspeccionados.

4.- En caso de obstaculización das actividades inspectoras, o inspector farao constar así e poderá proceder á toma de mostras de augas residuais dende o exterior do recinto das instalacións, ou ben poderá desistir delo.

Artigo 23.- Documentación das actuacións inspectoras.

1.- As actuacións inspectoras documentaranse nunha acta, na que constarán como mínimo os datos indicados no anexo IV da presente ordenanza, e na que tanto o inspector como o interesado poderán facer constar as observacións que consideren oportunas.

2.- En caso de que o comparecente se negase a firmar a acta ou a recibir a mostra contradictoria, o inspector farao constar así, autorizando a acta coa súa firma e entregando unha copia ó interesado, deixando igualmente constancia no caso de que éste se negara a recibila.

3.- Os feitos constatados nas actas terán valor probatorio, cos efectos previstos na vixente normativa xeral de procedemento administrativo.

4.- En caso de que o levantamento ou firma da acta se produzan sen a presenza do titular ou representante do establecemento produtor do vertido, notificarase ó mesmo o documento en trámite de audiencia ós efectos de que poidan presentar cantas alegacións e probas consideren convintes á súa defensa no prazo de 10 días.

Artigo 24.- Toma de mostras.

A toma de mostras de augas residuais levarase a cabo dacordo co seguinte procedemento:

1.- Punto de toma de mostras. A mostra tomarase da arqueta de rexistro, se a houbese, ou no seu defecto no último punto accesible de saída das augas residuais das instalacións de produción ou tratamento, previo á incorporación ás redes de saneamento e a calquera dilución.

2.- Preparación da mostra. Para a obtención da mostra tomarase nun recipiente unha cantidade de efluente suficiente para poder dividi-la en tres submostras en sendos recipientes de material adecuado ás determinacións analíticas que se vaian realizar. Os recipientes enxugaranse previamente co mesmo efluente obxecto do muestreo.

3.- As mostras así obtidas precintaranse e identificaranse, quedando dúas en poder do inspector, a primeira para efectuar as determinacións analíticas e a segunda para a práctica dun eventual análise diriminte, e a terceira ofrecerase ó interesado, ós efectos de que poida proceder, se o estima oportuno, á práctica dun análise contradictorio.

4.- A natureza dos envases, as súas condicións de preservación, así como dos medios analíticos dos diferentes parámetros serán os que figuren no anexo V da presente ordenanza.

5.- Poderá prescindirse da toma de mostras para determinar as súas características contaminantes cando se trate de vertidos de natureza inequívocamente doméstica ou gandeira que non dispoñan de tratamento e o persoal inspector así o faga constar expresamente na acta, indicando, no caso de vertidos gandeiros, a especie animal a que pertencen.

Artigo 25.- Práctica das análises.

1.- Para a práctica da análise inicial e da contradictoria deberá entregarse ó laboratorio de que se trate a mostra correspondente, debidamente conservada a

temperatura non superior a 4 grados centígrados, no prazo máximo de 72 horas dende a toma de mostras, ós efectos de iniciar o procedemento de análise en dito prazo.

2.- As determinacións analíticas da mostra inicial e da contradictoria levaranse a cabo en entidades colaboradoras da Administración debidamente acreditadas, ou ben en laboratorios de recoñecida solvencia contratados polo Concello.

3.- O laboratorio ó que se encargue a práctica da análise inicial deberá entregar ós resultados ó Concello no prazo de 20 días naturais dende o depósito da mostra, procedendo este a comunica-los de forma inmediata ó interesado.

4.- A folla de resultados analíticos, tanto no análise inicial como no contradictorio, expresará en todo caso a data de recepción da mostra, de inicio e de terminación da análise, así como os métodos analíticos empregados. No seu caso, farase constar igualmente o estado de conservación da mostra á súa chegada ó laboratorio.

5.- Pola súa parte, o interesado deberá comunicar ó Concello os resultados da análise contradictorio tan pronto dispoña deles.

6.- A práctica da análise dirimente, a solicitude de calquera das partes, levarase a cabo no laboratorio de Medio Ambiente de Galicia, creado por Decreto 164/1999, sempre que éste dispoña de capacidade técnica e de persoal para analizar os parámetros de que se trate. En caso de non dispor dos medios necesarios, o Concello designará outro laboratorio para a realización da análise dirimente. En ambos casos, a Administración xestora comunicará ó interesado con antelación suficiente o lugar, data e hora donde se levará a cabo, ós efectos de que poida estar presente nas operacións, asistido, se o estima oportuno, de persoal técnico. En ningún caso tomarase en consideración a petición de análise dirimente transcurridos dous meses dende a data de toma de mostras.

7.- Os gastos xerados pola práctica da análise contradictorio irán sempre a cargo do interesado. Os gastos da análise dirimente irán a cargo do Concello ou do interesado, respectivamente, en función de que os seus resultados confirmen os obtidos na análise contradictorio ou ben no orixinalmente practicado pola Administración.

CAPÍTULO IV. RÉXIME DE INFRACCIÓNS E SANCIÓNS.

Artigo 26.- Infraccións.

1.- Consideranse infraccións de carácter leve:

- a) O vertido ó sistema de depuración ou de saneamento de augas residuais de natureza doméstica sen contar coa autorización

correspondente, cando esta sexa necesaria, ou sen respetar as características das acometidas.

- b) O incumprimento das condicións establecidas no permiso de vertido, sempre que non causen danos ó sistema público de depuración ou de saneamento, ou ben cando estes danos non superen ós 3.005,06 euros.
- c) As accións e omisións das que se deriven danos ou pérdidas para a integridade ou o funcionamento do sistema público de depuración ou de saneamento inferiores a 3.005,06 euros.
- d) A obstaculización das funcións de inspección, vixilancia e control que leve a cabo a administración, a desobediencia ós seus requerimentos de información ou en relación coa adecuación de vertidos ou instalacións ás condicións regulamentarias.
- e) Calquera incumprimento das obrigas do conxunto normativo de regulación do servizo que non tenga atribuída outra calificación.

2.- Consideranse infraccións graves:

- a) O vertido ó sistema de depuración ou de saneamento de augas residuais de natureza distinta á doméstica sen contar co permiso correspondente.
- b) A realización de vertidos das sustancias prohibidas relacionadas no anexo I desta ordenanza.
- c) O incumprimento das condicións establecidas no permiso de vertido, sempre que se causen danos ó sistema público de depuración ou de saneamento superiores a 3.005,06 euros e ata 15.025,30 euros.
- d) As accións e omisións das que se deriven danos ou pérdidas para a integridade ou ó funcionamento do sistema público de depuración ou de saneamento superiores a 3.005,06 euros e ata 15.025,30 euros.
- e) A ocultación ou falsificación de datos determinantes para o outorgamento do permiso de vertido.
- f) A falta de comunicación das situacións de emerxencia ou perigo, o incumprimento das ordes da Administración derivadas de situacións de perigo ou emerxencia.
- g) A reincidencia na comisión de dúas ou máis infraccións leves no periodo dun ano.

3.- Consideranse infraccións moi graves:

- a) Calquera conducta indicada no apartado 2 da que se deriven danos ou pérdidas para o sistema de depuración ou de saneamento superiores a 15.025,30 euros.
- b) O incumprimento das ordes de suspensión de vertidos non permitidos.

- c) A reincidencia na comisión de dúas ou máis infraccións graves no periodo dun ano.

Artigo 27.- Sancións.

1.- As infraccións tipificadas no artigo anterior serán sancionadas coas seguintes multas:

- a) Infraccións leves: multa de ata 6.010,12 euros.
- b) Infraccións graves: multa de entre 6.010,13 e 30.050,61 euros.
- c) Infraccións moi graves: multa entre 30.050,62 e 150.253,02 euros.

2.- As sancións graduaranse en función da reincidencia do infractor, da súa intencionalidade, do beneficio obtido e da afección producida ó sistema de depuración ou saneamento, ou á calidade do medio receptor.

Artigo 28.- órganos competentes.

1.- O Alcalde-Presidente do Concello é o órgano competente para sancionar as infraccións leves e graves, sendo competencia do Pleno do Concello a sanción das infraccións moi graves.

2.- En todo caso, corresponde a incoación dos expedientes ó Alcalde-presidente ou, no seu caso e previa delegación, o concelleiro competente na materia.

Artigo 29.- Procedemento.

1.- O procedemento para a tramitación dos expedientes será o previsto na vixente normativa xeral de procedemento administrativo común.

2.- Serán sancionadas pola comisión de infraccións as persoas físicas ou xurídicas que resulten responsables das mesmas aínda a título de mera inobservancia.

3.- Con independencia da sanción que se lles impoña, os infractores serán obrigados a repara-lo dano causado, podendo o Concello, se procede, exercita-las facultades de execución subsidiaria previstas na Lei.

4.- Os prazos de prescripción das infraccións e das sancións serán os previstos na vixente normativa xeral de procedemento administrativo común.

5.- O prazo para a resolución dos expedientes sancionadores será dun ano, que se contará dende a súa incoación.

Artigo 30.- Medidas cautelares.

1.- O órgano competente para incoar os expedientes poderá adopta-las medidas seguintes:

- a) Ordear a suspensión provisional dos traballos de execución de obras ou instalacións que contradigan as disposicións de esta ordenanza ou sexan indebidamente realizados.
- b) Requerir ó usuario para que, no prazo que se lle indique, introduza as medidas técnicas necesarias para garantir o cumprimento das prescricións desta ordenanza.
- c) Ordear o usuario que, no prazo que se lle fixe, introduza nas obras ou instalacións realizadas as rectificacións precisas para axusta-las ás condicións de permiso de vertido ou ás disposicións desta ordenanza.
- d) Ordear ó usuario que, no prazo que se lle fixe, proceda á reparación e reposición das obras e instalacións ó seu estado anterior e á demolición do que fora indebidamente construído ou instalado.
- e) Impedir os usos indebidos das instalacións para os que non se obtivese permiso, ou cando non se axusten ó contido do mesmo ou ás disposicións desta ordenanza.
- f) Ordear a clausura ou precintado das instalacións de vertido en caso de que non sexa posible técnica ou economicamente evita-lo dano mediante as oportunas medidas correctoras.

2.- As medidas relacionadas no apartado anterior poden ser adoptadas, con carácter de cautelares e a reserva da resolución definitiva que se adopte no expediente, simultaneamente á incoación do procedemento sancionador, ou ben en calquera momento da súa instrución, e poden manterse de maneira continuada.

Artigo 31.- Valoración dos danos.

1.- A valoración dos danos ás obras hidráulicas ós efectos da aplicación do réxime sancionador a que se refire no presente capítulo determinarase en función dos gastos de explotación e, no seu caso, de reposición de aquelas.

2.- Os danos ás obras hidráulicas que conforman os sistemas de depuración e de saneamento se calcularán en euros/día, como resultado da ponderación do coste diario de explotación das instalacións públicas afectadas en relación co caudal e carga contaminante do vertido de que se trate.

3.- Os servizos competentes do Concello determinarán, dacordo cos presupostos aprobados ó efecto e as correspondentes certificacións, os gastos de explotación repercutibles ó responsable do vertido de que se trate.

4.- A valoración dos danos que servirá de base para a calificación da infracción, para a cuantificación da sanción e, no seu caso, da indemnización que deba de imporse, resultará do cálculo a que se refire o apartado segundo multiplicado polo número de días que se considere que o vertido se mantivo en situación irregular.

5.- Ós efectos do disposto no apartado anterior, computaranse os gastos correspondentes a todo o periodo en que a instalación pública de saneamento ou de depuración de augas residuais quedase afectada polo vertido irregular, anque éste tivese carácter puntual. En calquera caso considerarase que o vertido irregular mantívose durante, alomenos, un día.

6.- Nos supostos de vertidos que non dispoñan de tratamento e que deriven dunha actividade non ocasional, presumirase, salvo proba en contrario, que a calidade dos mesmos se mantén indefinidamente.

7.- Asimesmo presumirase o mantemento da calidade de vertido durante o periodo que medie entre dous ou mais tomas de mostras consecutivas e que aporten resultados con incumprimentos da normativa vixente ou dos límites impostos no correspondente permiso.

Disposición transitoria única.

Os titulares das instalacións existentes á entrada en vigor desta ordenanza que deban obter o permiso de vertido regulado nela, deberán instalalo ante o Concello no prazo de tres meses a partir de aquela data.

Anexo I: vertidos prohibidos

- a) Materias sólidas ou viscosas en cantidades ou tamaños tales que, por si soas ou por integración con outras, produzan obstrucións ou sedimentos que impidan o correcto funcionamento do sistema ou dificulten os traballos da súa conservación ou mantemento.
- b) Disolventes ou líquidos orgánicos inmiscibles en auga, combustibles ou inflamables.
- c) Aceites e graxas flotantes.
- d) Substancias sólidas potencialmente perigosas.
- e) Gases ou vapores combustibles ou inflamables, explosivos ou tóxicos ou procedentes de motores de explosión.
- f) Materias que, por razón da súa natureza, propiedades ou cantidades, por si mesmas ou por integración con outras poidan orixinar:
 - 1. Calquera tipo de molestia pública.
 - 2. A formación de mezclas inflamables ou explosivas co aire.
 - 3. A creación de atmósferas molestas, insalubres, tóxicas ou perigosas que impidan ou dificulten o traballo do persoal encargado da inspección, limpeza, mantemento ou funcionamento do sistema.
- g) Materias que, por si mesmas ou a consecuencia de procesos ou reaccións que teñan lugar dentro da rede, teñan ou adquiran calquera propiedade corrosiva capaz de danar ou deteriorar os materiais do sistema ou perxudicar ó persoal encargado da súa limpeza e conservación.
- h) Residuos de natureza radioactiva.
- i) Residuos industriais ou comerciais que, polas súas concentracións ou características tóxicas ou perigosas, requiran un tratamento específico ou un control periódico dos seus efectos nocivos potenciais.
- j) Os que por si mesmos ou a consecuencia de transformacións químicas ou biolóxicas que se poidan producir na rede de saneamento, den lugar a concentracións de gases nocivos na atmósfera da rede de alcantarillado superiores ós seguintes límites:
 - Dióxido de carbono: 15000ppm
 - Dióxido de azufre: 5 ppm
 - Monóxido de carbono: 25 ppm
 - Cloro: 1 ppm
 - Ácido sulfhídrico: 10 ppm
 - Ácido cianhídrico: 4,5 ppm
- k) Residuos sanitarios definidos na vixente normativa en esta materia.
- l) Residuos procedentes de sistemas de pretratamento e de tratamento de augas residuais.
- m) Residuos de orixe pecuario.

ANEXO II.- VERTIDOS LIMITADOS.

Parámetro	Valor Límite	Unidad
Temperatura	40	°C
PH	6-10	UpH
MES	750	Mg/l
DBO5	750	Mg/lO2
DQO	1500	Mg/lO2
Aceites e graxas	250	Mg/l
Cloruros	2500	Mg/l Cl
Conductividad	6000°	uS/cm
Dióxido de azufre	15	Mg/l SO2
Sulfatos	1000	Mg/l SO4
Sulfuros totais	1	Mg/l S2-
Sulfuros disoltos	0,3	Mg/l S2-
Fósforo Total	50	Mg/l P
Nitratos	100	Mg/l NO3-
Amonio	60	Mg/l NH4+
Nitrógeno orgánico e amoniacal (2)	90	Mg/l N
Cianuros	1	Mg/l CN-
Fenois	2	Mg/l C6H5OH
Fluoruros	12	Mg/l F-
Aluminio	20	Mg/l Al
Arsénico	1	Mg/l As
Bario	10	Mg/l Ba
Boro	3	Mg/l B
Cadmio	0,5	Mg/l Cd
Cobre	3	Mg/l Cu
Cromo hexavalente	0,5	Mg/l Cr (VI)
Cromo total	3	Mg/l Cr
Estaño	5	Mg/l Sn
Hierro	10	Mg/l Fe
Manganeso	2	Mg/l Mn
Mercurio	0,1	Mg/l Hg
Níquel	5	Mg/l Ni
Plomo	1	Mg/l Pb
Selenio	0,5	Mg/l Se
Zinc	10	Mg/l Zn
Materias inhibidoras	25	Equitox

Color	Inapreciable en dilución 1/30	
Nonilfenol	1	Mg/l NP
Tensioactivos aniónicos (3)	6	Mg/l LSS
Plaguicidas totais	0,1	Mg/l
Hidrocarburos aromáticos policíclicos	0,2	Mg/l
BTEX (4)	5	Mg/l
Triacinas totais	0,3	Mg/l
Hidrocarburos	15	Mg/l
AOX (5)	2	Mg/l Cl
Cloroformo	1	Mg/l Cl ₃ CH
1,2 Dicloroetano	0,4	Mg/l Cl ₂ C ₂ H ₄
Tricloroetileno	0,4	Mg/l Cl ₃ C ₂ H
Percloroetileno	0,4	Mg/l Cl ₄ C
Triclorobenceno	0,2	Mg/l Cl ₃ C ₆ H ₃
Tetracloruro de carbono	1	Mg/l Cl ₄ C
Tributilestaño	0,1	Mg/l

- (1) *Asemade, poderá ser obxecto de limitación calquera sustancia ou composto previsto nas Directivas 91/271/CEE e 76/464/CEE e as súas derivadas, e no Real Decreto 995/2000.*
- (2) *Nitróxeno amoniacal+ nitróxeno orgánico determinado dacordo co método Kjeldahl.*
- (3) *Substancias activas co azul de metileno, expresadas como laurel sulfato sódico (LSS)*
- (4) *Suma de benceno, tolueno, etilbenceno e xileno.*
- (5) *Poderanse contemplar valores superiores de AOX cando se cumplan os valores de organoclorados individualizados.*

ANEXO III.- Solicitud de permiso de vertido ó sistema.

1.- Solicitud: nome, domicilio social, dirección de establecemento, teléfono, distrito postal, localidade, NIF; características da actividade productiva, caudais de vertido en m³/ano e m³/día, identificación do sistema ó que se pretende verter.

2.- Proxecto técnico das obras:

a) Antecedentes:

- a. Obxecto: obtención do permiso de vertido ou a súa revisión (neste último caso adxuntarase copia do permiso vixente).
- b. Características da localización ou emplazamento da actividade.
- c. Punto de conexión ó sistema.

b) Memoria descriptiva:

- a. Datos de produción: actividade desenvolvida, materias primas utilizadas e produtos resultantes expresados en tn/ano
- b. Procesos industriais.
- c. Balance de augas: fontes de abastecemento, título concesional, volume abastecido e a súa distribución no proceso industrial, volume de vertido.
- d. Características de efluentes: análise de cada punto de vertido.

c) Memoria técnica das instalacións de tratamento:

- a. Sistemas e unidades de tratamento: descripción do sistema de tratamento existente con cálculos hidráulicos de dimensionamento (volúmenes, tempos de retención); descripción detallada de equipos instalados, potencia de bombeo, materiais de construción; medidas de seguridade para evitar vertidos accidentais, instrumentos de control propostos, proposta de seguimento e control de calidade do efluente, produción e destino dos residuos.
- b. Planos: situación do municipio (1:50000); situación xeral do establecemento (1:5000); detalle do establecemento (1:1000); planta e alzada do sistema de depuración (1:100)
- c. Se as instalacións de tratamento ocupan propiedades de terceiros, deberase acompañar autorización expresa do titular do terreo.
- d. Cando o exercicio da actividade comporte a utilización de tanques de almacenamento soterrados, deberase presentar un estudio de avaliación dos efectos medioambientais que incluíra a avaliación das condicións hidroxeolóxicas da zona afectada, do eventual poder autodepurador do solo e do subsolo, e dos riscos de contaminación. Tamén se fará constar a eventual proximidade de captacións de auga, así como as precaucións técnicas adoptadas para evita-la percolación e a infiltración de hidrocarburos.
- e. Plan de emerxencia do sistema dacordo coa lexislación sectorial aplicable.

ANEXO IV.- Contido da acta de inspección e obrigas da administración xestora.

1.- As actas que documentan as actuacións inspectoras, indicadas no artigo 23 desta Ordenanza, deberán incluír, como mínimo a información seguinte:

- a) Identificación da Administración xestora do sistema e do persoal actuario.
- b) Identificación e localización do suxeito pasivo da inspección, da actividade e dos sistemas de tratamento de que dispoña.
- c) Ubicación e descripción do punto de toma de mostras, e do sistema en que se realizará o vertido, incluíndo, se procede, o nome da EDAR.
- d) Caudal do vertido (medido ou estimado), tipo de mostra (puntual ou integrada) e parámetros a analizar.
- e) Obrigas formais: constancia ou non da firma do interesado, da súa aceptación ou rexeite da mostra xemelga e do libramento de copia da acta.

2.- A administración xestora conservará copias destas dilixencias e dos seus resultados analíticos a disposición de Augas de Galicia.

ANEXO V.- Condicións de preservación de mostrás e métodos analíticos.

PARÁMETRO A ANALIZAR	TIPO DE ENVASE (1)	TÉCNICA DE PRESERVACIÓN (2)	VOLUMEN DE MOSTRA ORIENTATIVO OU RECOMENDADO (3)	MÉTODO ANALÍTICO (4).
Temperatura	Indiferente	A realizar “in situ”	----	
PH	Indiferente	-----	-----	
Conductividade	Indiferente	Refrixeración	500 mL	
Sales solubles	Indiferente	Refrixeración	500 mL	Norma Afnor T 90-111
Materias en suspensión (MES)	Indiferente	Refrigeración	300 mL, podendo reducirse a maior concentración	Filtración en discos de fibra de vidro (Norma UNE-EN 872) o Centrifugación según Norma Afnor T 90-1054-2
Demanda Química de Oxígeno (DQO)	Indiferente (vidrio no caso de valores baixos)	Acidificación ata pH<2 con H2SO4 e refrigeración.	100 mL	Método de dicromato Potásico (Norma Afnor T 90-101) ou Norma UNE 77-004-89.
Demanda Química de Osíxeno (DBO5)	Indiferente (vidrio no caso de valores baixos)	Refrixeración.	300 mL, podendo reducirse a maior concentración.	
Aceites e graxas ou hidrocarburos	Vidro de boca ancha	Acidificación ata pH<2 con H2SO4 o HCl	1L, podendo reducirse a maior concentración . En todo caso, recomendable encher a totalidade do envase.	
Materias inhibitorias	Vidro	Refrigerar ou conxelar en función do tempo de almacenamento previo da análise	500 mL	Inhibición de luminiscencia de Vibrio fischeri (Norma UNE-EN-ISO 11348-3) ou inhibición da mobilidade de Daphnia Magna-Strauss (Norma UNE-EN-ISO 6341)

(1) Dacordo coas condicións de conservación establecidas na *Standard Methods for the examination of water and wastewater. 20th Edition.*

(2) Dacordo coas condicións de conservación establecidas na *Standard Methods for the examination of water and wastewater. 20th Edition.*

(3) Os volumenes presentados son orientativos, ó depender da concentración do contaminante a determinar. En todo caso, deixase a criterio do laboratorio encargado da determinación analítica fixa-lo volume necesario de mostra en función dos seus procedementos de traballo.

(4) Salvo indicación en contrario, os métodos analíticos a seguir para a determinación de cada un dos parámetros son os establecidos na última edición do *Standard Methods for the examination of water and wastewater. 20th Edition.*

Parámetro analizar	Tipo de envase (1)	Técnica de preservación (2)	Volume de mostra orientativo ou recomendado (3)	Método analítico (4)
Resto de parámetros (N-NH ₄ , NTK, N-NO ₃ , N-NO ₂ , SO ₄ etc.) excepto os descritos a continuación	Indiferente	Refrixeración	En función do número e tipo do parámetro	
Cianuros	Indiferente	Adición de NaOH ata pH>12, refrixeración na oscuridade.	1 L	
Fosfato	Vidro	Refrixeración	100 mL	
Fósforo total	Vidro	Refrixeración	100 mL	
Color	Indiferente	Refrixeración	500 mL	
Cloruros	Indiferente	-----	50 mL	
Fluoruros	Plástico	-----	100 mL	
Metales pesados (excepto mercurio e Cr VI)	Plástico ou vidro lavado con H ₂ NO ₃	Adificación ata pH<2 con H ₂ NO ₃	100 mL por metal	Última versión da Norma UNE-EN-ISO correspondente a cada metal. Especificamente UNE-EN-ISO 5961 para cadmio e UNE-EN-ISO 1233 para cromo.
Mercurio	Plástico ou vidro lavado con H ₂ NO ₃	Acidificación ata pH<2 con H ₂ NO ₃ e refrixeración a 4° C	100 mL	Norma UNE-EN 1483
Cr VI	Indiferente	Refrixeración	100 mL	
Sulfuros	Plástico ou vidro	Refrixeración e adición de 4 gotas de Acetato de Zn 2N/100 ml de mostras e NaOH ata pH>9	100 mL	
Fenoles	Indiferente	Refrixerar e acidificar ata pH<2 con H ₂ SO ₄	500 mL	
Microbioloxía	Plástico ou vidro estéril	Refrixeración	1 L, sen encher completamente e abrindo o envase baixo a auga	
Pesticidas	Vidro lavado con solventes orgánicos e tapón de vidro ou teflón	Refrixeración, adición de 1 g/L de ácido ascórbico se existe cloro residual	1 L	
Compostos volátiles: disolventes clorados e/ou BTEX e disolventes non clorados	Vidro (tapón de vidro ou teflón)	En xeral, refrixeración e acidificación ata pH<2 con HCl, aunque as particularidades para cada composto deberán consultarse no laboratorio onde se realice a analítica	100 mL, enchendo completamente o envase.	